

古

今

譚

槩

讀知部第二十一目錄

魏武

計二條

體認天理

朝野僉載兩孝子

崔張豪俠

乾紅貓

賃金

一錢駝百金

乘驢婦

京都道人

丹客

計二條

耳談二講僧

吞舍利

易術

巫

女巫

黃鐵脚

竊器

偽贗偽璧

何大復楚盜篇

智婦

詰盜智

計三條

海剛峰

黠豎子

日者

孫興公嫁女

匪年

節日門狀

智勝力

術制繼母

制妬婦

制使酒

教上舍

科試郊餞

金還酒債

下馬常例

月兒高

誦知部

子猶曰、人心之知、猶日月之光、糞壤也而光及焉、曲  
穴也而光入焉、知不廢誦、而有善有不善、亦宜耳、小  
人以之機械、君子以之神明、總是心靈、惟人所設、不  
得謂知偏屬君子、而誦偏歸小人也、集誦知第二十  
一、

○魏武

魏祖少遊蕩、叔父數言於其父嵩、祖患之、偽敗面口偏、  
叔父見、云中風、又告嵩、嵩驚呼曰、叔父言汝中風、已差

乎。對曰：初不中風，但失愛於叔父，故見罔耳。自是叔父所告，嵩皆不信。

魏武常言：人欲危已，已輒心動。因語所親小人曰：汝懷刃密來我側，我必說心動。執汝行刑。汝但勿言某使，無他。當厚相報。此人信之，被執不懼，遂斬之。

啖野葛及夢中殺人，皆詐也。獨此舉三歲小兒，恐亦難欺。老瞞所親，夫豈木偶？必是此老有心預擇一極愚蠢者，謬加親愛，而借之以實其詐耳。知棄之首，黠賊之魁乎。

○體認天理

西堂紀聞湛甘泉若水每教人隨處體認天理居鄉時凡山川佳勝田莊膏腴者假以建書院置學田爲名必得之爲自殖計皆資勢於當路之門生鄉人常曰此甘泉隨處體認天理也

不是隨處體認天理還是隨處體認地理

○朝野僉載兩孝子事

東海孝子郭純喪母每哭則羣鳥大集使檢有實旌表門閭後訊乃是每哭卽撒餅於地羣鳥爭來食之其後

數如此。烏聞哭聲。莫不競湊。非有靈也。

田單妙計。可惜小用。然微辭亦資真福。稱孝可矣。

河東孝子王雉家。猶犬互乳。其子州縣上言。遂蒙旌表。乃是猶犬同時產子。取猶兒置犬窠中。取犬子置猶窠內。飲慣其乳。遂以爲常耳。

即使非僞。與孝何干。

○崔張豪俠

進士崔涯張祐下第後。遊江淮。嗜酒狂吟。以俠相許。崔嘗有詩云。太行嶺上三尺雪。壯士懷中三尺劍。一朝若



遇有心人、出門便與妻兒別、由是俠名播於人口、一夕有非常人、裝飾甚武、腰劍、手囊貯一物、流血於外、入門曰、此張俠士居耶、曰然、張揖客甚謹、既坐、客曰、有一仇人、十年莫得、今夜獲之、喜不可已、指囊曰、此其首也、問有酒否、張命酒、客飲嚼甚壯、曰、聞公義氣、薄有所請、可乎、張唯唯、客曰、此去三數里、有一義士、余所深德、君可假十萬緡、立欲酬之、若濟、則平生恩仇畢矣、此後赴湯蹈火、亦無所憚、張且不吝、深喜其說、乃簪其綠素中品之物、罄以界之、客曰、快哉、死無恨、乃畱囊首而去、期以

却回及期不至五鼓絕聲東曦既駕杳無蹤跡張慮囊  
首彰露客既不來將遣家人埋之開囊乃吞首也方悟  
見欺迨後豪俠之氣頓喪

按張祐字承吉苦吟時妻孥喚之不應以責祐祐曰  
吾方口吻生花豈惜汝輩後知南海罷但載羅浮石  
歸不治產雖一事見欺不愧豪士矣

○乾紅貓

夷堅支臨安北門外西巷有賣熟肉翁孫三者每出必  
戒其妻曰照管貓兒都城竝無此種莫使外人聞見或

被竊絕我命矣我老無子此與我子無異也日日申言  
不已鄰里數聞其語心竊異之覓一見不得一日忽搜  
索出到門妻急抱回見者皆駭猶乾紅深色尾足毛鬚  
盡然無不歎羨孫三歸痛箠厥妻已而浸浸達於內侍  
之耳卽遣人啖以厚直孫峻拒內侍求之甚力反覆數  
四竟以錢三百千取去孫涕淚復箠其妻竟目啞悵內  
侍得猶喜極欲調馴然後進御已而色澤漸淡才及半  
月全成白猶走訪孫氏旣徙居矣蓋用染馬纓緋之法  
積日爲僞前之告戒筆怒悉姦計也

○貸金

耳譚嘉靖間、一士人候選京邸有官矣、然久客囊空、欲貸千金、與所故游客談、數日報命曰、其中貴允爾五百、士人猶恨少、客曰、凡貸者、例以厚贄先、內相家性、苟得其歡、何不可、士人拮据奏貸器幣、約值百金、爲期入謁、及門、堂軒麗巨、蒼頭廬兒、皆曳綺縞、兩壁米袋充棟、皆有御用字、久之、主人出、主人橫肥、以兩童子頭抵背而行、享禮微笑、許貸八百、廬兒曰、已晚、須明日、主人曰、可、士人旣出、喜不自任、客復屬耳、當早至、我俟於此、明日

至、寥然空宅、堂下兩堆煤土、皆袋所傾、問主宅者、曰、昨有內相賃宅半日、知是誰何、客亦滅迹、方知中詐、

○一錢驅百金

朔海奇聞、肱隤惟京師爲最黠、有盜能以一錢驅百金者、作貴游衣冠、先詣馬市、呼賣胡牀者、與一錢、戒曰、吾卽乘馬、爾以胡牀待、其人許諾、乃謂馬主、吾欲市駿馬、試可、乃已、馬主謹奉羈勒、其人設胡牀而上、盜上馬、疾馳而去、馬主追之、盜還扣官店、維馬於門、云、吾某太監家人、欲段匹若干、以馬爲質、用則奉價、店觀其良馬、不

之疑、如數昇之、負而去、俄而馬主迹至店、與之爭馬成訟、有司不能決、爲平分其馬價云。

○乘驢婦

耳譚有三婦人、顧驢騎行、一男子隨之、忽少婦欲下驢、擇便地、呼二婦曰、緩行俟我、方其下驢、男子佐之、少婦卽與調謔、若相悅者、已乘驢曰、我心痛不能急行、男子既不欲強、少婦追二婦、又不可得、乃憊道、俟而不知、少婦反走久矣、是日三驢皆失。

○京都道人

北宋時、有道人至京都、稱得丹砂之妙、顏如弱冠、自言  
三百餘歲、貴賤咸爭慕之、輸貨求丹、橫經請益者、門如  
市肆、時有朝士數人造其第、飲啜方酣、聞者報曰、郎君  
從莊上來、欲參觀、道士作色叱之、坐客或曰、賢郎遠來、  
何妨一見、道士顰蹙移時、乃曰、但令入來、俄見一老叟、  
鬚髮如銀、昏耄偃僂、趨前而拜、拜訖、叱入中門、徐謂坐  
客曰、小兒愚騃、不肯服食丹砂、以至此、都未及百歲、枯  
槁如斯、常日斥至村墅間耳、坐客愈更神之、後有人私  
詰道者親知、乃云、偃僂者、卽其父也。

○丹客

客有以丹術行騙局者、假造銀器、盛興從、復與妓爲素、日飲於西湖、鶴首所羅列器皿、望之皆朱提白鏹、一富翁見而心艷之、前揖問曰、公何術而富若此、客曰、丹成特長物耳、富翁遂延客、并其妾至家、出二千金爲母、使煉之、客入鉛藥、煉十餘日、密約一長髯突至、詒曰、家僮內艱、盡急往、客大哭、謂主人曰、事出無奈何、煩主君同余婢守爐、余不日來耳、客實竊丹去、又囑妓私與主媾、而不悟也、遂墮計中、與妓綢繆數宵、而客至、啓爐視之、



佯驚曰、敗矣、汝侵余妾、丹已壞矣、主君無以應、復出厚  
醵、客客作快快狀去、主君猶以得遺爲幸、

嘉靖中、松江一監生、博學有口、而酷信丹術、有丹士先  
以小試取信、乃大出其金而盡竊之、生慚憤、甚欲廣遊  
以冀一遇、忽一日、值於吳之閭門、丹士不俟啓齒、卽邀  
飲肆中、殷勤謝過、旣而謀曰、吾儕得金、隨手費去、今東  
山一大姓、業有成約、俟吾師來舉事、君肯權作吾師、取  
償於彼、易易耳、生急於得金、許之、乃令剪髮爲頭陀、事  
以師禮、大姓接其談鋒、深相欽服、日與款接、而以丹事

委其徒輩、且謂師在無慮也。一旦復竊金去、執其師、欲訟之官。生號泣自明、僅而得釋。及歸、親知見其髮種種、皆訕笑焉。

以金易色、尚未全輸、但纏頭過費耳。若送却頭髮、博師父一聲、尤無謂也。

○○耳譚二謫僧

有僧異貌、能絕粒、瓢衲之外、絲粟俱無。坐徽商木筏上、旬日不食不饑。商試之、放其筏中流。又旬日亦如此。乃相率禮拜、稱爲活佛。競相供養。曰：無用供養。我某山寺

頭陀以大殿毀欲從檀越乞布施作無量功德因出疏  
令各占甲乙畢仍期某月日入寺相見及期衆往詢寺  
絕無此僧殿卽毀亦無乞施者方與僧駭之忽見伽藍  
貌酷似僧懷中有簿卽前疏衆詫神異喜施千金恐洩  
語有損功德戒勿相傳後乃知始塑像時因僧異貌遂  
肖之作此伎倆而不食乃以乾牛肉鑊大數珠數十顆  
暗噉之皆奸僧所爲

開鄉一村僧見田家牛肥碩日伺牛在野置鹽巴首俾  
牛餌之久遂開習僧一夕至田家泣告曰君牛乃吾父

後身父以夢告我、我欲贖歸、主驅牛出、牛見僧、卽俯僧首、主遂以牛與僧、僧歸殺牛、凡其肉、置空竹杖中、又以坐關不食、欺人焉、後有孟知縣者、詢僧便溺、始窮其詐、  
○吞舍利

廣記、唐洛中、頃年有僧持數粒所謂舍利者、貯於琉璃器中、晝夜香火檀越之禮、日無虛焉、有貧士子無賴、因詰僧請觀舍利、僧出瓶授與、遽取吞之、僧惶駭無措、復慮外聞之、士子曰、與我錢、當服藥出之耳、贈二百緡、乃服巴豆瀉下、僧歔然濯而收之、

○○易術

凡幻戲之術多係偽妄。金陵人有賣藥者，車載大士像，問病將藥，從大士手中過，有留於手不下者，則許人服之，日獲千錢。有少年子從傍觀，欲得其術，俟人散後，邀飲酒家，不付酒錢，飲畢竟出。酒家如不見也。如是三賣藥人叩其法，曰：此小術耳。君許相易，幸甚。賣藥曰：我無他，大士手是磁石，藥有鐵屑，則粘矣。少年曰：我更無他，不過先以錢付酒家，約客到，絕不相問耳。彼此大笑而罷。

○○巫

夏山爲巫、自謂靈異、范汝與歲曰、明日吾握糖餌、令汝商之言而中、人益信汝、巫唯唯、及明降神、觀者如堵、范握狗矢問之、巫曰、此糖餌耳、范拜曰、真神明也、卽令食之、巫恐事洩、忍穢立盡、

○女巫

京師閭閻多信女巫、有武人陳五者、厭其家崇信之篤、莫能治、一日舍青李於牕、詒家人瘡腫痛甚、不食而臥者竟日、其妻憂甚、召女巫治之、巫降謂五所患、是名疔

瘡以其素不敬神。神不與救。家人羅拜懇祈。然後許之。  
五佯作呻吟甚急。語家人云。必得神師入視。救我可也。  
巫入按視。五乃從容吐青李視之。梓巫批其頰而叱之。  
門外自此家人無信崇者。

以舍利取人。卽有借舍利以取之者。以幻術愚人。卽  
有托幻術以愚之者。以神道困人。卽有詭神道以困  
之者。無。好。不。破。無。低。不。窮。信。哉。

○黃鐵牌

黃鐵牌。穿窬之雄也。鄰有酒肆。黃往賣。肆客與黃戲曰。

必竊若壺他肆易飲是夕肆主挈壺置臥榻前几上。鋪戶甚固遂安寢。比曉失壺視鋪如故。亟從他肆物色。壺果在。問所得。曰。黃某主詣黃問故。黃用一小竿囊其中。俾通氣。以猪溺囊繫竿端。從窗引竿納囊於壺。乃嘘氣脹囊舉而升之。故得壺也。

○竊磬

鄉一老嫗向誦經。有古銅磬一賦。以石塊作包負之。至墟門外。人問何物。曰。銅磬將鬻耳。入門見無人。棄石於地。負磬反向門內。曰。欲買磬乎。曰。家自有。賦包磬復負。



而出、內外皆不覺、

○偽壁偽壁

閩門有匠鑿金於肆、忽一士人巾服甚偉、蹶曳而來、自語曰、暴令以小過毒撻我、我必報之、因袖出一大膏藥、薰於爐次、若將以治瘡者、俟其鎔化、急糊匠面孔、匠畏熱、援以手、其人已持金奔去、又一家門集米袋、忽有甕者垂腹甚大、盤旋其足而來、坐米袋上、眾所共觀、不知何由、匿米一袋於跨下、復盤旋而去、後失米、始知之、蓋其腹襯塞而成、而甕亦偽也。

○○何大復雙盜篇

有雙盜者、一足雙、善穿窬、嘗夜從二盜入巨姓家、登屋翻瓦、使二盜以繩下之、榜貫入之櫃、命二盜繫上已、復下其櫃入貫上之、如是者三矣、雙盜自度曰、櫃上彼無置我去乎、遂自入坐櫃中、二盜繫上之、果私語曰、貫重矣、彼出必多取、不如棄去、遂持櫃行大野中、一人曰、雙盜稱善、儻乃爲我二人賣、一人曰、此時將見主人翁矣、相與大笑歡喜、不知雙盜乃在櫃中、頃二盜倦坐道上、雙盜度將曙、又聞遠舍有人語笑、從櫃出大聲曰、盜劫

我二盜惶計遁去。覺盜顧乃得金貨歸。

○智婦

耳譚某家娶婦之夕。有賊來穴壁已入。會其地有大木。賊觸木倒。破頭死。燭之。乃所識鄰人。倉皇間恐反餌禍。新婦曰。無妨。令空一箱。納賊屍於內。昇至賊家門首。剝喙數下。賊婦開門見箱。謂是夫所盜。即舉至內。數日夫不返。發視。乃是夫屍。莫知誰殺。亦不敢言以虛之。

○詰盜智

胡汲仲在寧海日。偶出行。有羣姬聚菴誦經。一姬以失

永來訴。汝仲命以半麥。實羣經。掌中。令合掌繞佛。誦經。  
如故。汝仲閉目端坐。且曰。吾令神督之。若是盜衣者。行。  
數周。多當夢中。一婦屬。開視其掌。遂命縛之。果盜衣者。  
以其惑佛。因而惑之。

劉洋之。今泰興也。富室亡金釵。惟二僕婦在。置之有司。  
咸以爲寃。命各持一蘆。曰。非盜釵者。當自若。果盜。則長。  
於今二寸。期旦視之。一自若。一去其蘆二寸矣。訊之。具。  
伏。

陳述古知蒲城縣。有失物。莫知爲盜。乃詒曰。其廟有鐘。

能辨盜爲盜者摸之則有聲陰使人以墨塗而帷焉令  
因入帷摸之惟一囚無墨執之果盜

○海剛峰

有御史恣某縣令縣令密使嬖見侍御史御史覆之遂  
竊其符陰竊走明晨起視篆篆篋已空心疑縣令所爲  
而不敢發因稱疾不視事海忠肅時爲教諭往俛御史  
御史聞海有吏才密訴之海教御史夜半於厨中發火  
火光燭天群屬赴救御史持篆篋授縣尹他官各有所  
護及火滅縣令上篆篋則符在矣

○黠豎子

西鄰母有好李，苦窺園者。設穿牆下，置糞穢其中。黠豎子呼類，竊李登垣，陷穿間，穢及其衣領。猶仰首於其曹來來，此有佳李。其一人復墜，方發口，黠豎子遽掩其兩唇，呼來來不已。俄一人又墜，二子相與詬病。黠豎子曰：假令三子者，有一人不墜穿中，其笑我終無已時。小人拖人下渾水，使開口不得，皆用此術。

○○日者

趙王李德誠鎮江西，有日者自稱世人貴賤，一見輒分。

王使女妓數人與其妻滕國君同妝梳服飾偕立庭中請辨良賤客俯躬而進曰國君頭上有黃雲羣妓不覺皆仰首日者曰此是國君也王悅而遣之

○○孫興公嫁女

王文度<sub>之坦</sub>弟阿智<sub>之度</sub>惡乃不翅年長失婚孫興公<sub>粹</sub>有女亦僻錯無嫁娶理因詣文度求見阿智既見便陽言此定可殊不知人所傳那得至今未有婚處我有一女乃不惡欲令阿智娶之文度忻然以啓藍田<sub>遂</sub>藍田驚異既成婚女之頑<sub>乃</sub>過於壻方知興公之詐

阿智得婦。孫女得夫。大方便。大功德。何言詐乎。

○匿年

凌景陽與京師豪族孫氏成姻。嫌年齒。自匿五歲。既交禮。乃知其妻匿十歲。王素作諫官。景陽方館職。坐娶富民女論罷。上知景陽匿年以欺女氏。素因奏孫氏所匿。上大笑。

○節日門狀

劉貢父爲館職。節日。同舍遣人以書筒盛門狀。徧散人家。劉知之。乃呼所遣人坐於別室。犒以酒肴。因取書筒。



視之凡與已一面之舊者盡易以已門狀其人既飲食再三致謝徧走巷陌實爲劉投刺而主人之刺遂已

○智勝力

王卞於軍中置宴一角抵夫甚魁峴負大力諸健卒與較悉不敵坐間一秀才自言能勝之乃以左指畧展魁峴者輒倒卞以爲神叩其故秀才云此人怕醬預得之同伴先入厨求得少許醬彼見輒倒耳

○術制繼母

王陽明年十二繼母待之不慈父官京師公度不能免

以母信佛。乃夜潛起。列五托子於室門。母晨興見而心  
悸。他日復如之。母愈駭。然猶不悛也。公乃於郊外訪射  
鳥者。得一異形鳥。生置母衾內。母整衾見怪鳥飛去。大  
懼。召巫媼問之。公懷金賂媼。詐言王狀元前室責母虐  
其遺嬰。今訴於天。遣陰兵收汝魂魄。衾中之鳥是也。後  
母大慙。叩頭謝不敢。公亦泣拜良久。巫故作悵悵。乃驟  
然魁。自是母性驟改。

○制妬婦

藝文類聚京邑士人婦大妬。嘗以長繩繫夫脚。喚便牽。

繩士密與巫姬謀因婦眠士以繩繫竿緣牆走避婦覺牽繩而竿至大驚召問巫巫曰先人怪娘積惡故郎君變竿能悔可祈請婦因抱竿痛哭悔誓巫乃令七日齋舉家大小悉詣神前禱祝士徐徐還婦見泣曰多日作竿不辛苦耶士曰猶憶噉草不笑時作腹痛婦愈悲哀後畧復姬士卽伏地作竿鳴婦驚起永謝不敢

○制使酒

朱秉爲宣州刺史好酒凌人性復威厲飲後恣意斬決無復諱者惟其妻鍾氏能制之案惟一呼輒懷而止張

易領通律之職。至府數日。業爲易啓宴。酒未三爵。易乘宿醒。擲觥排席。斥嘯蜂起。業怡聲屏障間。謂左右曰。張公使酒。未可當也。命扶易而出。此後業無復使酒焉。

○教上舍

韓侂胄既逐趙汝愚至死。太學生教陶孫賦詩於三元樓壁。弔之。方縱筆。飲未一二行。壁已昇去矣。教知必爲韓所廉。急更衣持酒具下樓。正逢捕者問教上舍在否。對曰。方酣飲。亟亡命走閩。韓敗。乃登第一。

○科試郊餞

科試故事。邑侯有却錢酒酸甚。衆譁席上。張幼于令勿喧。保爲易之。因索大觥。滿引爲壽。侯不知其異也。旣飲。不覺攢眉。怒慙吏。易以醪。

○金還酒債

荆公素喜俞清老。一日謂荆公曰。吾欲爲浮屠。苦無錢買祠部牒耳。荆公欣然爲具僧資。約旦祝髮。過期寂然。公問故。清老徐曰。吾思僧亦不易爲。祠部牒金。且送酒家還債。公大笑。

肯出錢與買僧牒。何不肯償酒債。清老似多說一議。

○下馬常例

宋時有世賞官王氏任浙西一監、初蒞任日、吏民獻錢物幾數百千、仍白曰、下馬常例、王公見之、以爲汚已、便欲作狀并物申解上司、吏輩所請再四、乃令取一櫃、以物悉納其中、對衆封緘、寘於廳治、戒曰、有一小犯卽發、由是吏民警懼、課息俱備、比終任榮錄、登舟之次、吏白廳櫃、公曰、尋常既有此制、須有文牘、吏齎案至、俾昇櫃於舟、載之而去。

不矯不貪、人已兩利、是大有作用人、不止巧宦已也。

○月兒高。

袁凱忤 太祖，龍得風疾。上每念曰：東海走却大鯢魚，何處尋得？遣使拜爲本郡學博。凱瞠目熱視使者，唱月兒高一曲，使者還奏，乃置之。

請知部終

僂弄部第二十二目錄

石動箭

計二條

捕獺狸

能言鴨

靴直

酒令

計三條

石學士善謔

計二條

鳴鞭爲度

儉驢

弄僧

鐵牛

候白

玉韋

胡思亂量

劉貢父謔

米老菴

蘭玻



愛東坡

曝鼻輝

對語

計二條

李章題壁

堂候官

鳥官

戈壽官

古物

計二條

鼎飯龜飯

馬標

張咸先

駝峰

安石欄

張端

錢文相談

竹堂寺

楊南峰

計五條

王夢澤

曲江春宴

莊樂

朱達悟

孫興公

巡按許學家

石韞子

計二條

翟永齡

計四條

袁汝南

薛昭緯

計二條

孔緯

好嬉子

畫葡萄

畫梅

景清假書

李西涯題畫

祀真武

王戎後身

滕元發

王中父

計二條

龍德化

丁謂

才寬

呼如周名

中官性陰

宋太祖鄉鄰

劉貢父

論楊子雲

陸平泉

箕仙

押衙詩

張幼于謎

痔字

比玉居

朱古民

儼弄部

子猶曰古云稚子弄影不知爲影所弄然則弄人卽  
自弄耳雖然不自弄將不爲造化小兒弄耶倪倬場  
中大家搬演將去得開口處便落便宜謂之弄人可  
謂之自弄可謂之造化弄我我弄造化俱無不可集  
儼弄第二十二

○○石動箭

北齊高祖嘗宴近臣爲樂高祖曰我與汝等作謎可共  
射之卒律葛答諸人皆射不得或云是饒子箭高祖曰

非也。石動筭云：臣已射得。高祖曰：是何物？動筭封曰：是煎餅。高祖笑曰：動筭射着是也。高祖又曰：汝等諸人爲我作一謎，我爲汝射之。諸人未作。動筭爲謎，復云：卒律葛答。高祖射不得，問曰：此是何物？答曰：是煎餅也。高祖曰：我始作之，何因更作？動筭曰：乘大家熱鑊子頭，更作一箇。高祖大笑。

高祖稱郭璞詩絕佳。石動筭曰：臣詩勝郭一倍。上大不怡，詰之曰：那見勝處？動筭曰：璞游仙詩云：青溪千餘仞，中有一道士。臣則曰：青溪二千仞，中有兩道士，不勝一。

倍乎大笑。

○捕獾狸

趙后外傳。樊嫪語飛燕曰。憶在江都時。陽華李姑畜關鴨水池上。苦獾嚙鴨時下。朱里芮姥者。求捕獾狸獻姥。謂姑曰。是狸不他食。當飯以鴨。姑怒。絞其狸。

○能言鴨

陸龜蒙居震澤。有闕鴨一觔。有內養自長安使杭州。出舍下。挾彈斃其綠頭者。龜蒙手一表駭云。此鴨善人言。持附蘇州上進。天子使者斃之。奈何。內養信其言。大恐。

遂以囊中金酬之。因徐問其鴨能作何言。龜蒙曰：能自呼其名。內養憤且笑。龜蒙還其金。大笑曰：吾戲耳。

○靴直

馮道和凝同在中書。一日和問馮曰：公靴新買。其直幾何。馮舉左足曰：五百。和性偏急。顧吏責曰：吾靴何用一千。馮徐舉其右足曰：此亦五百。

○酒令

賈時彥善謔。赴宴。酒半。主人請令。賈曰：乞諸君射一謎。不中。浮以大白。曰：天不知地知。爾不知我知。舉座不解。

罰通賈舉一足置案上曰我靴底有腐孔也

甘露寺僧性空善飲一客擲色行舊令云補不足慶有餘初擲不足曰僧飲又擲有餘亦曰僧飲眾客俱不解客曰俟令畢當言之既畢令而僧醉矣執盞言曰酒不敢辭請明其故客曰不足者無髮有餘者多一頭眾大笑

王元美與客讌集王偶洩氣眾客皆匿笑王卽設令要經書中譬字一句王舉能近取譬眾客於譬如北辰譬若掘井等語盡舉之王皆以不如式論罰眾客不服王



曰我譬在下不若公等譬乃在上

○○石學士善謔

石中立字表臣在中書時盛度禁林當直撰張文節公神道碑進御罷呈中書石卒問曰是誰撰盛不覺對曰度撰滿堂大笑

五代廣成先生杜光庭多著神仙家書悉出誣罔如感遇傳之類故人謂妄言爲杜撰或云杜默非也盛文肅公在杜默之前矣然俗有杜田杜園杜酒等語恐是方言未必有指

盛度體豐肥、一日自殿前趨出、宰相在後、盛初不知、忽見、卽欲趨避、行百步、乃得直舍、隱於其中、石學士見其喘甚、問之、盛告其故、石曰、相公問否、盛曰、不問、別去十餘步、乃悟、罵曰、奴乃以我爲牛。

○鳴鞭爲度

焦芳初還朝、失記朝儀、李西涯曰、以鳴鞭爲度、一鞭走兩步、再鞭又走兩步、三鞭上御道、芳諾之、旋悟曰、公乃戲我。

○偷墮

張玉陽

思

河南人。一日語陳玉壘公曰：官貧幸得俞蕩

石道長送一人。盧瑞峰吏部送一馬。公曰：人是俞送。馬是盧送。可謂恰當。蓋河南人有偷驢賊之號。公以譴之。宋學士嘗過洛。士人挽留之。信宿不從。牽去其驢。公怒。作詩曰：蹇驢掣斷紫絲韁。却去城南趁艸場。繞遍洛陽尋不見。西風一陣版腸香。今河南人曰偷驢賊。曰版腸。本此。

○弄僧

一僧從雪中來。唐六如戲之曰：聞孟老相期郊外尋梅。

信乎。僧曰：非王也，張也。六如曰：張公多顛倒，大須防之。時有匿笑者。僧悟云：却被唐公弄我半日。六如曰：怪道硬將起來。

○鐵牛

陶穀小字鐵牛。李濟出典河中，嘗寄陶書云：每至河源，卽思靈德。陶初不爲意，久之方悟。蓋河中有張燕公鑄係橋鐵牛故也。

○侯白

侯白好俳謔。一日楊素與牛弘退朝，白謔之曰：日之夕。

夷素曰、以我爲牛羊下來耶。

牛僧孺善爲文、楊虞卿善談說、京師語曰、太牢口、少牢手、從來楊姓爲牛帶累久矣。

○王韋

王韋作詩、爲諸老所賞、儲瓘稱之曰、絕似溫李、陸深戲曰、本是王韋、蓋指王摩詰、韋蘇州諱之。

○胡思亂量

何臬當京城已陷、虜人入視帑藏倉庾、時有胡思者爲司農卿、具諸倉米麥數白臬、臨去、臬送至廳事傍、遽言

曰、大卿、切勿、令、亂、量、應、曰、諾、至、客、次、方、悟、其、戲、蓋、謗、有、胡、思、亂、量、語、也、

好箇救時宰相

○劉貢父諫

孫華老形貌古奇、熙寧中論事不合、責出世、謂、沒、興、孔、夫子、孔、宗、翰、宣、聖、之、後、氣、質、肥、厚、劉、貢、父、目、爲、孔、子、家、小二郎、元祐中、二人俱爲侍郎、二部爭事於殿門外、輟次中、劉貢父過而謂曰、吾黨之直者異於是、坐中有悟之者、大笑、

○米老菴

米元章築室於甘露寺榜曰米老菴寺大火惟菴與李  
衛公塔獨存元章詩云神護衛公塔天存米老菴有謔  
之者添云神護李衛公塔天存米老娘菴蓋元章母入  
內爲老娘以母故命官也

○蘭玻

耳譚青州東門皮工王芬家漸裕棄去故業里人謀爲  
贈號芬喜張樂設宴一黠少曰號蘭玻可乎衆問何義  
曰蘭多芬故號蘭玻從名也芬大喜重酬少年諸人俱

不覺其義後徐思蘭玻依然東門王皮也。

○愛東坡

陸宅之善諧謔每語人曰吾甚愛東坡時有問之者曰東坡有文有賦有詩有字有東坡巾君所愛何居陸曰吾甚愛一味東坡肉聞者大笑

○曝鼻幃

阮咸籍兄子也居道南諸阮居道北北阮皆富南阮貧七月七日法當曬衣北阮庭中翫然莫非綈錦咸時總角乃豎長竿標大布襤鼻幃曝於庭中曰未能免俗聊



復爾耳

○對語

關憊推官貌不揚。過南徐客次。見一解衣客。偃坐關憊。而問之。對曰。太子洗馬高乘魚。良久還。詢關。關答曰。某乃是皇后騎牛低釣龍。朝士駭曰。是何官。關笑曰。且欲與君對語切耳。

王丞相珪云。馬子山騎山子馬。馬給事字子山。穆王人駿。有山子馬之名。久之。人對曰。錢衡水盜水。衡錢。錢某爲衡水。令人謝之曰。止欲作對。爾寔非有盜也。

○○李章題壁

一故相遠派在姑蘇嬉遊書其壁曰大丞相再從曾姪  
孫某至此士人李章好譏題其傍曰泥元皇帝三十七  
代孫李章繼至

○○堂候官

張小江覓候門教讀劄付歸榮里中冠帶錦繡謁一富  
人富人乃駮者服梨園具出迎張駮曰兄是貴職答曰  
弟是牛丞相堂候官

○○鳥官

陳太卿嘗畜小鳥作籠爲官船樣上列鹵簿榜其船曰鴻臚寺人問之笑曰鴻臚故是鳥官

○戈壽官

下雉地方有戈壽官者富而慙夏月赴親家喜筵着大紅綳員領以往主者故與百拜啜以沸湯汗流竟踵及久始曰請更衣其人不覺失聲曰親家此言萬代公侯主者曰公侯須汗馬不宜汗親家若然請到涼亭再脫衣拭汗始把杯豈不萬萬代公侯乎

○古物

李襄建節青州、表兄武恭性誕妄、又稱好道、多蓄古物、  
遇襄生日、特以箱擊一阜襖子遺之、書云、此李令公收、  
復京師時所看、願尚書功業一似西平、襄以書謝、後遇  
恭誕、襄以箱盛一破膩脂幘頭餉恭、云、知兄深慕高真、  
求得洪崖先生初得仙時幘頭、願兄得道一如洪崖、  
以阜襖易得破帽、此番古董交易、折本多矣、

齊公子嗜古器物、龍門子謁之、公子歷出三代秦漢之  
器、龍門子曰、公子所藏非古也、必若古者、其應犧氏之  
物乎、公子齋三日、龍門子乃設几布筵、真實櫝其上、籍

以文錦各再拜而興，啓積視之，乃宓義氏之八卦也。

○鼎飯羹飯

進士郭震任介，皆西蜀豪逸之士。一日郭致簡於任曰：來日請餐鼎飯，任往乃設白飯一盂，白蘿蔔、白鹽各一椀，蓋以三白爲鼎也。後數日，任亦召郭食羹飯，郭謂必有毛物相戲。及至，並不設食，郭曰：何也？任曰：飯也。毛，蘿蔔也。毛，鹽也。毛，只此便是羹飯。郭大笑而別。

鼎音茨，音無曰毛。

此條見魏語錄，他書作蘇黃相謔，殊誤。

○馬郁

後唐馬郁滑稽狎侮每赴監軍張承業宴出異方珍果食之必盡一日承業私戒主膳者惟以乾蓮子置前郁知不可啖異日韓中置鐵錐出以擊之承業大笑曰爲公易饌勿敗予案

○張咸光

玉堂閒話梁龍德間有貧衣冠張咸光遊丐無度復有劉月明者亦然每遊貴門卽遭虐戲方餐時奪其匕箸則袖中出而用之梁駢馬溫積權判開封咸光忽遍詣豪門告別問其所詣曰往投溫諫議問有何紹介答曰

項年大承記錄此行必厚遇也大諫嘗製碣山潛龍宮  
上梁文云餽頭似苑胡餅如籠暢殺劉月明主簿喜殺  
張咸光秀才以此知必承顧盼聞者絕倒

○駝峰

尚書呂震與學士解縉一日談及食中美味呂曰駝峰  
甚美未之嘗也解詒云僕嘗食之誠美矣呂知其詒也  
他日得死象蹄脰語解曰昨有駝峰之賜宜共饗之解  
大嚼去呂謔以詩曰翰林有箇解癡哥光祿何曾宰駝  
駝不是呂生來說謔如何嚼得這般多解大笑

○安石橋

李漢碎胡瑀瑤盤盛送王荳曰安石橋荳見之不疑既食乃覺

○張端

張端爲河南司錄府富祭社買豬已呈尹其夜突入錄廳卽殺之吏白尹尹問端答曰按律諸無故入人家登時殺之勿論尹大笑爲別市豬

○錢文相謔

錢同愛字孔周其家累代以小兒醫名吳中所謂錢氏



小兒者是也。一日請文徵仲泛舟石湖。知文性不近妓。故匿妓於舟尾。船既發。乃出之。文一見。倉惶求去。錢命舟人速行。文窘迫無計。錢平生極好潔。有米南宮倪雲林之癖。文真率不甚點檢服飾。其足統甚臭。至不可向。通文卽脫去襪。以足統玩弄。遂披拂於錢頭面上。錢不能忍。卽令舟人泊船。縱文登岸。

○竹堂寺

唐伯虎祝希哲與文徵仲氣誼甚深。而情尚迥異。兩公每欲戲之。一日偕遊竹堂寺。近寺故多劣妓。唐預使人

持東金示之、囑云、此來若何表冠者、文君也、其人多狎  
邪遊、而喜人媚、不善媚人、若輩有能得其歡者、卽以此  
金爲酒資矣、妓信之、伺文至、爭先獻笑、牽衣挽袂、堅不  
肯釋、文五色無主、見唐祝、匿笑、悟曰、兩公謔我耳、明剖  
其故、一笑而散、

○○楊南峰

俗傳三月三爲浴佛日、六月六爲浴猫狗日、有客謁楊  
南峰、循吉、值三月三日、楊以浴辭、客不解、謂其傲也、思  
以報之、楊乃於六月六日往拜、客亦辭以浴、楊戲題其

壁曰君昔訪我我洗浴我今訪君君洗浴君訪我時三  
月三我訪君時六月六

謬誤作  
唐伯虎事

楊南峰嘗觀優而善之謂優曰汝曹第努力當以一金  
勞汝恨目前未便耳因索紙判賞付之期明日來取優  
喜於得賞畢獻所長楊極歡而罷次日羣優持票徵賞  
楊笑曰汝真欲賞乎我愛汝戲快活竟日汝貪我賞亦  
快活一夜我與汝兩准可也又有僧額患癬楊自詫有  
秘方取鳳仙花搗爛使以帕裹於額上三日即效如期  
開視染成紅額僧滿月不敢見客

先是吳中皇甫氏最貴盛而治家素寬楊南峰獻壽圖題詩其上曰皇老先生老健精神烏紗白髮龜鶴同齡皇甫公大喜懸之堂有識者笑曰此詈公也蓋上列皇老烏龜四字公乃悟

有富翁鄉居求楊南峰門對一聯此翁之祖曾爲人僕楊乃題云家居綠水青山畔人在春風和氣中上列家人二字見者無不匿笑

有喪家其子不戚楊南峰爲諸生時特製寬巾往弔既下拜巾脫滾入座下楊卽以首伸入穿之幕中皆笑楊

遽出此子遂蒙不孝祭。

南峰作事刻薄。每每如此。後子孫微甚。其墓爲羣乞兒蔽。今呼爲楊家墳者是也。志之以爲永戒。

○王夢澤

黃岡王夢澤太史善謔。一日往謁郭桐岡太府。見府前有枷犯。乃其家用之鋸匠也。顧謂郭曰。旣常解鋸矣。而於此猶枷頸焉。郭大笑。遂釋之。又客有患癖者。王曰。何不付鹽於患處。以磚燒熱。徐擦之。自愈。久而不效。以問王。王曰。磚鹽癖。則絕無可知。此古方也。又客有患赤鼻。

者王教以油梳子熾熱擦患處自愈及用之愈赤又以問王王曰吾但知蘇子遊赤壁耳

○曲江春宴

乾符四年新進士曲江春宴甲於常年有溫定者久用塲籍坦率自恣尤憤時之浮薄因設奇以侮之至其日紫衣肩輿金翠之飾夏出於衆侍婢皆稱是徘徊柳陰之下俄頃諸公自露棚移樂登鷁首既而謂是豪貴其中姝麗必矣因遣促舟而進莫不注視於此或肆調謔不已羣興方酣定乃於簾間垂足露膝脛極偉而長

衆忽觀之、皆掩袂、亟命迴舟避之、或曰、此必溫定也、

○莊樂

莊樂、國初名醫也、好談謔、同郡李庸、遣家僮持東詣樂、誤稱其名、樂詰之曰、若家欲借藥磨耳、汝當負去、但畫片紙以復云、來人面稱姓名、罰馱藥磨兩次、庸得書大笑、卽令負還、煙霞小說誤作朱達悟事

○朱達悟

朱達悟善謔、凡里中宴會、無不與者、一日諸少年遊石湖、背朱往、旣解纜、喜曰、搭戶不知也、朱忽在舵樓躍出、

曰予在矣蓋預知肯已。賂舟子藏以待也。衆驚笑。延朱  
卽席且飲且進。朱曰湖有寶積寺幽潔主僧善予。盍一  
登衆從之。挈榼以往。酒數行。朱佯醉臥。僧榻。日西猶未  
醒。呼而掖之。輒搖首曰眩莫能起。僧亦固畱。衆乃先發。  
朱從間道疾歸。時已暝。乃濡其衣履被髮擊諸同游者。  
戶倉皇告曰不幸舟觸石沈於湖。余偶得漁者援焉。聞  
者長少驚啼趨往。至楓橋相值。皆無恙。惟相笑而已。

○孫興公

褚公孫興公同游曲阿後湖中流風狂妨欲傾覆褚公



曰、此妨人皆無可以招天譴者、惟孫興公多塵滓、正當以厭天欲耳、便欲捉擲水中、孫據檻大啼曰、季野卿念我、

○巡按許挈家

麻城侍御董公石述其同年進士某、亦作御史、往貴州巡按、未行、一日有他御史過其家、知其素懼內、其室甚悍、戲之曰、朝廷今有特恩、凡雲貴巡按、皆許挈家自隨、悍妻於屏後聽之、信以爲然、遂裝束堅欲同行、御史曰、世無此理、彼戲言耳、妻曰、君子無戲言、老賊欲背家娶

妾爲樂耶、某托親黨再三曉譬、終不聽、某竟以此請告不行。

○○石韃子

吳中有石生者、貌類胡、因呼爲石韃子、善譚、多智、嘗因倦步至邸舍、欲少憩、有小樓頗潔、先爲僧所據矣、石登樓窺之、僧方掩牕晝寢、牕隙中見兩樓相向、一少婦臨牕刺繡、石乃襲僧衣帽、開牕向婦而戲、婦怒告其夫、因與僧鬪、僧茫然莫辨、亟去、而石安處焉。

石生在太學時、每苦司成之虐、夜半於公座糞焉、植小

竹枝爲紙旗而書已名司成晨出登座旗折舉火視之  
污穢狼籍矣見石名呼欲加責石流涕稱冤曰誰中傷  
者止由太宗師不相愛故耳豈有某作此事而自標求  
責者乎司成以爲有理竟不之罪

○○翟永齡

翟永齡常州人初入泮官師長日以五更升堂講課同  
輩苦之永齡因伏短牆下伺其走過疾取其帽置土地  
神頭師遍覓得之以爲怪大懼不復蚤行

翟永齡平日不詣學官師怒罰作一文以牛何之命題

翟操筆立就結云按何之二字兩見於孟子之書一曰先生將何之一曰牛何之然則先生也牛也一而二二而一者也

翟永齡赴試苦無貲乃買棗泊舟市墟呼羣兒與棗一掬教之曰不要輕不要輕今年解元翟永齡常州至京民謠載道大獲贍助

畢竟天下勢利者多故翟得行其詐然用此等錢殊不罪過

翟母飯心釋氏日誦佛不輟聲永齡佯呼之母應諾又

呼不已。母慍曰：「無事何頻呼也？」永齡曰：「吾呼母三四。母便不悅。彼佛者，日爲母作千萬聲，其怒當何如？母爲少止。」

○○袁汝南

吳人袁汝南，諸友人師子喬家，輒竟日狂飲。子喬之妻深厭之。子喬曰：「此仙人，不可慢也。問何以見爲仙乎？」曰：「凡吾舉動，雖細微無不知者。妻猶未信。子喬乃陰與汝南爲約，次蚤聞叩門聲，子喬心知爲汝南矣。謬曰：『清蚤誰耐煩，且圖歡耳。』使妻持已之禁，已而叩門愈急，妻問。」

爲誰應曰我袁汝南也妻曰彼昨夜未歸汝南曰子喬  
既不在嫂手中所持何物子喬謂妻曰我固知仙人不  
可欺耳妻自此終不敢慢汝南矣

○薛昭緯

唐薛侍郎昭緯未第時就肆買鞋肆主曰秀才脚第幾  
對曰昭緯作脚來未曾與立行第

薛昭緯使梁梁祖宴會間話及鶴子輒以爲贈昭緯戒  
僕曰令君所賜真須愛惜可將紙裹韝袋中

薛後遭黃巢亂流離饑困遇舊識銀工延之飲饌甚

豐昭緯以詩謝曰、一櫟、癭根數十、斂盤中、猶更有餘、  
鱗蚤知文字多辛苦、悔不當初學冶銀、體根羊肉也

○孔緯

孔緯拜官、教坊優伶繼至、各求利市、石野豬先至、公有  
所賜、謂曰、宅中甚開、不得厚致、若見諸野豬、幸勿言也、  
復有一伶、善笛、公喚近階、指笛竅問曰、何者是浣溪沙、  
孔、諸伶大笑

○好嬉子

吾衍子行、嘗作一小印、曰、好嬉子、蓋吳中方言、一日、親

國夫人作馬圖傳至子行處子行爲題詩後倒用此印  
觀者咸疑其誤魏公見之罵曰此非誤也他道婦人會  
作畫倒好嬉子耳蘇軾題詩

○畫葡萄

栢子庭和尚攻畫葡萄又善飲啖醉飽方落筆曾有一  
富室延之禮待甚腆其家先已綳絹食畢以十指蘸墨  
亂點絹上而去主人茫然少頃索筆掃餘布葉而成點  
皆子也自題其上曰昨夜園林雨過葡萄長得能大東  
海五百羅漢一人與他一箇



○畫梅

陳白沙善畫梅人持紙求索者多無潤筆白沙題其柱云烏音人又來或詰其旨乃曰不聞烏聲曰白畫白畫客爲之絕倒

○景清假書

景清遊太學時同舍生有秘書清求不與固請約明旦卽還生旦往索清曰吾未嘗假書於汝生忿訟於司成清卽持書往見曰此清燈牕所業書卽誦終卷生則不能誦一詞司成叱生退清出卽以書還生曰以子珍秘

太甚特相戲取。

○李西涯題畫

大僚吳某家藏陳圖南小像亦名筆也。邇求在京名公題咏。邵半江詩先成。求質於李西涯公。公詒曰。尚有一二字未穩。俟予更之。因嘿記其詩。先題吳公畫上。邵見之。撫掌大笑。

按邵詩云。盤陀石上淨無塵。嶽色江聲共此真。莫怪吳儂渾不醒。百年俱是夢中人。

○祀真武

賈秋壑會客。庖人進饗。一客不食。曰：「某奉祀真武。」饗似真武案下。龜故不食。盤中復有蕨。又一客曰：「不食秋壑詰其故。」客曰：「某亦祀真武。蕨不似真武前旗竿乎？」滿座大笑。

○王戎後身

廬江尹李公有門子。甚荷寵。一日諸僚畢集。共諛之。或云：「龍陽。」或云：「六郎。」霍山尹羅公獨曰：「此王戎後身。」李驚問故。羅曰：「因前生鑽李。今索債耳。」

○滕元發

司馬溫公劾奏王廣淵乞誅之以謝天下。滕元發爲起居注，旣歸，王就問蚤來司馬君實上殿，乞斬某以謝天下。不知聖語如何。滕戲曰：只聽得聖語云：依卿所奏。

○王中父

王介字中父，性輕率，每語言無倫。人謂其有風疾，出守湖州。王介甫以詩送之云：東吳太守美如何。柳惲詩才未足多。遙想郡人迎下僚。白蘋洲渚正滄波。其意以水值風卽起波也。介諭其意，遂和十篇，盛氣而誦於介甫。其一曰：吳興太守美如何。太守從來惡祝鮀。生若不爲

上柱國死時猶合代闕羅介甫笑曰闕羅見缺請速赴任。

王中父與劉貢父同考試中父以舉人卷子用小畜字疑畜字與御名同音貢父爭以爲非中父不從固以爲御名貢父曰此字非御諱乃中父之家諱也因相詬罵貢父坐罷同判太常禮院罰銅歸館有啓謝執政云虛船觸舟伎心不怨強弩射市薄命何逃時雍子方爲開封推官戲曰據罪名當決臀杖十三貢父曰吾已入文宇云切見雍子方身材長大臀腿豐肥臣實不如舉以

自代

○○龍德化

黃都龍太渠官郡守致仕其子名德化以鄉舉選官爲府判臨之任太渠治饔餼之屬曰爾平日好謔今日居官不得復爾德化起立應曰堂尊承教了太渠不覺失笑

○丁謂

丁謂在秘閣日凝寒近火嘗以鐵筯於灰燼間書畫同舍同公暫起燒火筯使熱公至仍書爲筯所烙曰昨宵

通曉不寐、爲四鄰弦管喧呼所聒、同舍曰、是必嫁娶之家也、公曰、非是、時平歲稔、小人輩共樂、格其父母祖先耳。

○才寬

才太守寬、高才抗節、嘗謁撫臺、一主事丁憂還家、亦來謁、門適閉、才曰、何不擊木魚自通、主事不可、才乃戲曰、座上木魚敲夜月、主事不答、才曰、可對簷前鐵馬打秋風、主事大怒而去、才曰、如此大氣、不見人亦可。

○呼如周名

度支尚書宗如周有人訴事謂其曾作如州官也乃曰  
某有屈滯故來訴如州官如周曰爾何人敢呼我名其  
人慚謝曰祇言如州官作如州不知如州官名如周早  
知如州官名如周不敢喚如州官作如州如周大笑曰  
令卿自責見侮反深衆咸服其雅量

○中官性陰

太監谷大用迎駕承天所至暴橫官員接見多遭叱辱  
必先問曰你紗帽那裏來的一令畧不爲意大用喝問  
如前令曰我紗帽在十王府前三錢五分白銀買來的



大用一笑而罷。令出。衆問之曰：「中官性陰，一笑更不能作威矣。」衆歎服。

○宋太祖鄉鄰

宋太祖慮囚，一囚訴稱：「臣是官家鄉鄰。」太祖疑爲微時比舍，亟問之，乃云住東華門。帝大笑，亦竟釋之。

○劉貢父

劉貢父爲試官，出臨以教。思無窮論，舉人上請曰：「此卦大象如何？」劉曰：「要見大象，當詣南御苑可也。」時馬默爲臺官，彈奏放輕薄，不當置在文館。貢父歎曰：「旣云馬默，」

豈合驢鳴

○論楊子雲

王介甫與東坡論楊子雲投閣爲史臣之妄劇秦美新之作亦後人誣子雲東坡曰軾亦疑一事荆公曰疑何事東坡曰不知西漢果有子雲否衆大笑

○陸平泉

相嵩誕日諸翰林稱壽爭獻其面時菊花滿堂陸平泉獨退處於後徐曰不要擠壞了陶淵明

○箕仙

有請箕仙者、仙至、自云何仙姑、一頑童戲之、於掌心書一卯字、問姑曰、此何字、箕遂判云、似卯原非卯、如卯不是卯、仙家無用處、轉贈與尊堂、見詩話、

○押衙詩

湘江北流至岳陽、達蜀江、夏潦後、蜀江漲勢高、遇住湘波、讓而退、溢爲洞庭湖、凡闊數百里、君山宛在水中、秋水歸壑、此山復居陸、惟一條湘川而已、前輩許棠過洞庭詩、最爲首出、後無繼者、詩僧齊已駐錫巴陵、欲吟一詩、竟未得意、有都押衙蔡姓者、戲謂已公曰、某有詩已

絕諸人不必措詞已公堅請口札押衙朗吟曰可憐洞庭湖恰初三冬無乾稿以其不成湖也已公大笑

○張幼于謎

吳門張幼于使才好奇日有聞食者佯作一謎粘門云射中許入謎云老不老小不小差不差好不好無有中者王百谷射云太公八十遇文王老不老甘羅十二爲丞相小不小開了門兒獨自看差不差開了門兒大家笑好不好張大笑

○痔字

近諺云葉仲子一日論制字之妙因及疾病二字从丙从矢蓋言丙燥矢急燥急疾病之所自起也友人故以痔字難之沈伯玉笑曰因此地時有僧人往來故從寺衆方烘堂一少年不解向葉問之葉徐曰異日汝當自解衆復烘堂

○比玉居

有王生行一者美其人多嬖之沈伯玉過其家見齋額顏曰比玉居伯玉曰此額殊有意移比字易出居內之古分明是屁古二字玉字亦王一二字也分合言之乃

王一屁古四字

○朱古民

朱古民文學善謔一日在湯生齋中湯曰汝素多知術  
假如今坐室中能誘我出戶外立乎朱曰戶外風寒汝  
必不肯出倘汝先立戶外我則以室中受用誘汝汝必  
從矣湯信之便出戶外立謂朱曰汝安能誘我入戶哉  
朱拍手笑曰我已誘汝出戶矣

僂弄部 終